

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 414
e – mail: info@voda.ba

Broj: **UP-1/21-3-40-412-7/222**
Datum: **26.10.2022. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Sultan“ d.o.o. Lukavac za donošenje rješenja o vodnoj dozvoli za ispuštanje oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju betona sa pratećim objektima i sadržajima izgrađenih na zemljištu označenom kao k.č. 1504/12 K.O. Lukavac pod nazivom „Krčevine“, općina Lukavac, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22), donosi

RJEŠENJE **o vodnoj dozvoli**

1. Pravnom licu „Sultan“ d.o.o. Lukavac daje se vodna dozvola za ispuštanje oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona sa pratećim objektima i sadržajima izgrađenih na zemljištu označenom kao k.č. 1504/12 K.O. Lukavac pod nazivom „Krčevine“, općina Lukavac.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (betonski taložnici, betonski kanali i slivnici, kanalizaciona mreža, separator ulja i masti i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da korisnik poslovnog objekta za sve vrijeme trajanja ove vodne dozvole obezbjeđuje da se vode od pranja tehnološke opreme za proizvodnju betona, mješalica i miksera za prevoz betona i oborinske onečišćene vode sa radno-manipulativnih površina nesmetano skupljaju putem kanala sa slivnim rešetkama, odvođe do taložnika, nakon taloženja iz druge komore odvođe do separatora ulja i masti te preko monitoring okna odvođe do recipijenta tj. postojeću kanalizaciju industrijske zone „Umel Fakol“ Lukavac.
 - 3.4. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
 - 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i

šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).

3.6. Prečišćene otpadne vode, prije ispuštanja u recipijent, moraju ostati u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20), a ukoliko Vlada Tuzlanskog kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.

3.7. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.

3.8. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

3.9. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.

3.10. Da se istrošena ulja, nauljene krpe i sav opasan otpad koji će nastati na prostoru postrojenja za spravljanje betona i betonske smjese redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.

6. U periodu važenja ove dozvole, pravno lice je dužno provoditi sve mjere i aktivnosti propisane istom

7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.

9. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „Sultan“ d.o.o. Lukavac obratilo se ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona izgrađenog na zemljištu označenom kao k.č. 1504/12 K.O. Lukavac pod nazivom „Krčevine“, općina Lukavac.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A. Opća dokumentacija

- Rješenje o izmjenama podataka, broj:032-0-Reg-18-000355 od 26.02.2018. godine izdato od strane Općinskog suda u Tuzli - ovjerena kopija,

- Uvjerenje o poreznoj registraciji od 12.11.2008. godine izdato od strane Kantonalnog poreznog ureda u Tuzli - ovjerena kopija,
- Rješenje o odobrenju za građenje, broj: 06-23-1-104/18 od 16.02.2018. godine izdato od strane Službe za urbanizam, prostorno planiranje i investicije općine Lukavac - kopija,
- Rješenje o vodnoj dozvoli, broj: 04/1-13-25-34157/18 od 25.12.2018. godine izdato od strane Ministarstva poljoprivrede, šumarstva i vodoprivrede Tuzlanskog kantona – kopija,
- Rješenje o imenovanju stručne komisije za tehnički pregled, broj: 06-23-3-1092/18 od 28.06.2018. godine izdato od strane Službe za urbanizam, prostorno planiranje i investicije općine Lukavac - kopija,
- Rješenje o okolinskoj dozvoli, broj: 12/01-1-23-035251/17 od 20.12.2017. godine izdato od strane Ministarstva prostornog uređenja i zaštite okolice Tuzlanskog kantona – kopija,
- Izvještaj o izvršenom tehničkom pregledu izvedenih radova na izgrađenoj fabrici betona u Lukavcu, juli 2016. godine sa Zapisnikom o izvršenom tehničkom pregledu izvedenih radova na izgrađenoj fabrici betona u Lukavcu i konačnim izvještajem – kopija,
- Rješenje o odobrenju za upotrebu izgrađene fabrike betona, broj: 06-23-3-1092/18 od 26.12.2018. godine izdato od strane Službe za urbanizam, prostorno planiranje i investicije općine Lukavac – kopija,
- Rješenje o vodnoj dozvoli, broj: UP-I/25-3-40-286-4/18 od 13.06.2018. godine izdato od strane Agencije za vodno područje rijeke Save, Sarajevo – kopija,
- Izvještaj o monitoringu kvaliteta i kvantiteta otpadnih voda urađen od strane TQM d.o.o. Lukavac, august 2022. godine,
- Računi broj: 678-5/2022 od 15.10.2022., 681-5/2022 od 17.10.2022., 677-5/2022 od 15.10.2022. godine izdato od strane Remont-Zanat d.o.o. Brijesnica Mala, Doboj Istok – kopije,

- Dokaz o uplaćenju federalnoj upravnoj pristojbi na zahtjev

B Tehnička dokumentacija

- Projekat izvedenog stanja vanjskih hidroinstalacija kompleksa za proizvodnju betona „Sultan“ d.o.o. Lukavac, broj: 10-76/22 juni 2022. godine urađen od strane TQM d.o.o. Lukavac
 Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22) izvršen je uviđaj na prostoru proizvodnog pogona betonare sa pratećim sadržajima „Sultan“ d.o.o. Lukavac izgrađenih na zemljištu označenom kao k.č. 1504/12 K.O. Lukavac pod nazivom „Krčevine“ i tom prilikom sačinjen Zapisnik o izvršenom uviđaju broj: UP-1/21-3-40-412-5/22 od 24.10.2022. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

➤ Predmetni poslovno – proizvodni kompleks za proizvodnju betona „Sultan“ d.o.o. Lukavac nalazi se u ulici Termoelektrana b.b. u industrijskoj zoni grada Lukavac, na parceli označenoj kao k.č. 1504/12 k.o. Lukavac pod nazivom „Krčevine“ ukupne površine $P = 9987 \text{ m}^2$. Kompanija „Sultan“ d.o.o. Lukavac bavi se proizvodnjom betona, koji se u svježem stanju u namjenskim transportnim sredstvima (mikserima) isporučuje kupcima.

➤ Zapadno od predmetne lokacije – postrojenja i pratećih objekata i sadržaja protiče rijeka Spreča na udaljenosti cca 800 m a jugoistočno potok Lukavčić na udaljenosti cca 1000 m.

➤ Poslovno – proizvodni kompleks sastoji se od sljedećih objekata i sadržaja: mašinsko postrojenje za spravljanje betona tip „Elkomix 60“, kapaciteta $55 \text{ m}^3/\text{h}$; radni AB plato za utovar svježeg betona u miksera i pranje transportnih vozila; objekat administracije; objekat za smještaj bunarske i vodovodne opreme; trafostanica; radni makadamski plato – prostor za deponovanje frakcija agregata za beton (pijesak, šljunak); manipulativni prostor (nabijeni kamen).

➤ Kontrola procesa, odnosno sve radne operacije pripreme betona, obavljaju se poluautomatski iz komandnog postrojenja.

➤ Za potrebe rada procesne opreme za spravljanje svježe betonske mase koristi se voda iz postojećeg vodozahvata – bunara. Investitor je u procesu dobijanja koncesionog prava za korištenje zahvaćenih količina vode. Pored toga Investitor posjeduje saglasnost za priključak na vodovodnu mrežu industrijske zone „Umel Fakol“ izdata od strane „GTI BH“ d.o.o. Lukavac iz 27.09.2017. godine.

➤ Sanitarно-fekalne otpadne vode nastaju u mobilnom ekološkom toaletu (eko-wc) i prikupljaju se u vodonepropusnu tankvanu, koju po potrebi prazni ovlašteno lice za tu djelatnost.

➤ Oborinske nezagađene vode sa krova objekata se preko olučnih horizontala i vertikala prikupljaju i ispuštaju na okolni teren.

➤ Tehnološke otpadne vode koje nastaju usljed pranja procesne opreme i transportnih vozila, na betoniranom platou gdje je i procesno postrojenje, se prikupljaju i odvođe na AB dvokomorni taložnik te separator ulja i masti, a potom preko okna za monitoring se upajaju u postojeću kanalizaciju industrijske zone „Umel Fakol“ Lukavac. Na predmetnom lokalitetu pored postrojenja za proizvodnju betona nalaze se dva AB taložnika koji prihvataju i vrše predtretman tehnoloških otpadnih voda od pranja procesne opreme i transportnih vozila (mikseri, pumpe).

Taložnik „1“ je otvoreni jednokomorni, izrađen od armiranog betona. Nalazi se ispod mješalice postrojenja za proizvodnju betona, dimenzije su 4,20 x 1,2 m sa dubinom 0,50 m. Preliv iz ovog taložnika ide u Taložnik „2“.

Taložnik „2“ je armiranobetonski dvokomorni, pokriven sa AB pločama. Nalazi se pored Taložnika „1“ njegove dimenzije su 3,45 x 2,30 m sa dubinom komora 1,20 m. Zapremina iznosi $V = 6,0 \text{ m}^3$. Preliv tehnoloških otpadnih voda iz ovog taložnika ide na dalji tretman na separator ulja i masti.

Karakteristike ugrađenog separatora ulja i masti: projektiran po normi: EN 858-1, protok kroz separator: 3 l/s, ukupni volumen uređaja: 850 l.

➤ Oborinske vode koje nastaju na platou procesnog postrojenja se prikupljaju, tretiraju i odvođe na isti način kao i tehnološke otpadne vode.

➤ Upoj u postojeću kanalizaciju industrijske zone „Umel Fakol“ Lukavac se nalazi u susjednoj parceli označenoj kao k.č. 1504/4 k.o. Lukavac, gdje je danas „Baupartner“ d.o.o. Lukavac.

➤ Okno za monitoring je smješteno uz ogradu na južnoj strani predmetnog kompleksa.

➤ U procesu proizvodnje betona, u skladu sa određenim recepturama betonske smješe, dodaju se i određeni aditivi (plastifikatori, akceleratori, retarderi, aeranti itd.). Ovi aditivi koji su u tečnom stanju skladište se u PVC rezervoare i smješteni su na AB platou procesnog postrojenja. U slučaju incidentnog prosipanja istih, ove tečnosti se preko taložnika „1“ i „2“ vode na separator ulja i masti na tretman.

➤ Skladištenje tečnih goriva, masti, hidrauličkih ulja te popravka i servisiranje mehanizacije se ne vrši na lokaciji betonare.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Sultan“ d.o.o. Lukavac ispunio minimum uslova za izdavanje vodne dozvole za ispuštanje otpadnih voda i aktivnosti koje mogu imati specifične uticaje na vode sa lokacije proizvodnog kompleksa objekata betonare, sa pratećim sadržajima, izgrađenog na zemljištu označenom kao k.č. 1504/12 K.O. Lukavac pod nazivom „Krčevine“ Lukavac, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13). Podnosilac zahtjeva je uplatio i posebne troškova koji su nastali u toku vođenja upravnog postupka, u skladu sa članom 127. Zakona o vodama („Službene novine Federacije BiH“, br. 70/06) i članova 4. do 7. Pravilnika Agencije o naknadi posebnih troškova u postupku izdavanja vodnog akta, prema Zaključku ove Agencije broj UP-1/21-3-40-412-6/22 od 25.10.2022. godine.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačku B obrazloženja rješenja

Po ovlaštenju
Rukovodilac sektora za izdavanje vodnih akata



Haris Ališehović, dipl. inž. građ.

Dostaviti:

- „Sultan“ d.o.o. Lukavac
- Poljice bb, 75300 Lukavac, (kao u prilogu),
- AVP Sava, ISV – Vodna knjiga,
- Sektor 50,
- 📍 Sektor 40, arhiva,
- Oglasna ploča-AVP Sava